

滿清十三朝宮闈秘史

增太平天國  
宮闈秘史



# 滿清宮闈秘史卷四目錄

## ●光緒朝

光緒帝外傳

## ●宣統朝

隆裕太后之力主共和

你們不要難爲他之遺詔

小恭王之皇帝熱

御賜老臣小馬軍

拜不拜之聖聰

卽位時朝班之紊亂

小德張之寵眷

跋扈太監之謙謹

興修延熙宮

大璫家中陳飾之美麗

閹宦娶妻納妾之豔福

肆無忌憚之張太監

七十萬金之珠履

隆裕后與八姑奶奶之豔史

德宗變法密諭之出現

● 雜錄

拜堂子之別說

三大戲台

內廷刑杖

妃嬪進御時之奇形怪狀

宮中遺產之富

滿人之頭顱

祭堂子

交泰殿之大鐘

捲簾軍機

御用歷書

滿清宮闈秘史 卷四目錄

滿洲之怪風俗

行宮之寶藏

內務府之豪侈

●游記

奉天行宮遊記

圓明園記

頤和園遊記

三海遊記

北海遊記

# 滿清宮闈秘史

## ●光緒紀

光緒帝外傳 原名崇陵傳信錄

自忌諱排比之法行。而國史爲官書。朝野所傳聞。其軼時時見諸野史。雖或愛憎發於恩私。是非生於黨議。而朝局真相。亦頗存焉。毓鼎事先帝十九年。侍螭頭。領蘭臺。所居皆史職。起居注。名記言動。第錄排日論旨。而以懋勤殿內記注附益之。史館作本紀。根據實錄。稍變其體裁。大臣列傳。則綴拾邸抄公牘。不得有所采訪。申己意。蓋太史南董之風。墜地盡矣。緬維先帝御宇。不爲不久。幼而提攜。長而禁制。終闕損其天年。無母子之親。無夫婦昆季之愛。無臣下侍從謙遊暇豫之樂。並世平民之福。且有勝於一

人之尊者。毓鼎侍左右。近且久。天顏戚戚。常若不懌。未嘗一日展容舒氣也。棄臣民之後半月。冲主御法駕。升正殿。行卽位禮。毓鼎侍班御座前。默思先帝生平遭際。困厄。心酸鼻辛。欲制淚不禁。潐潐被面矣。後之人稽光緒一朝事。所見者懿旨耳。上諭耳。奏疏耳。先帝一多病柔懦之主而已。庸詎知天挺英明。豁達大度。奮發歆有所爲。處萬難之會。違養時晦。以求自全。有大不得已之苦衷哉。監國醇親王。以河間東平之親。居明堂負扆之重。竊謂繼志述事。爲先帝吐氣。此其時矣。在苒二年。東海逋臣。交章薦之。而不召。西市沈寃。遺孤言之而不雪。毓鼎知其無意於先帝矣。乃始反袂吮毫。舉十九年所見所聞。纂爲此錄。無恩私。無黨議。可以告先帝而質鬼神。局之篋笥。傳諸子孫。他日陵谷變遷。函開心史。三十四年之朝局。庶有

大明之一日乎。至若赤鳳之謠。楊華之歌。怨口流傳。幾成事實。宮廷隱秘。姑從闕如。宣統三年。辛亥四月。湖濱舊史。憚毓鼎。

德宗景皇帝。爲宣宗之孫。醇賢親王之長子。母曰葉赫那拉氏。以同治十年。六月二十八日。誕於宣武門內。西太平街。醇王府之槐陰齋。同治十三年。十二月初五日。穆宗上賓。前星未曜。慈安太后。慈禧太后。宮中定策。以初六日夜半。具法駕迎上。入承大統。時年四歲。初七日。始發喪。兩宮垂簾聽政。以每歲七月朔日。孟秋時享太廟。致齋三日。二十八日爲齋戒期。乃移上二日。以六月二十六日爲聖誕節。

光緒十五年正月大婚。皇后葉赫那拉氏。滿洲桂祥長女。孝欽顯皇后之內姪女也。納侍郎長絨二女。冊爲珍嬪。瑾嬪。上始親裁大政。



上讀書之所爲毓慶宮。常熟翁同龢。嘉州孫家鼐。仁和夏同善。孫詒經先後充師傅。以松漣充滿文教習。故事授清文者不名師傅。其禮亦殺。夏公出爲學政。薨於外。仁和孫公以失旨出書房。翁相國以罪去。獨孫相國恩禮始終無間云。

惠陵上仙。實係患痘。外傳花柳毒者非也。甲戌十二月初四日痘已結痂。宮中循舊例謝痘娘娘。旛蓋香花鼓樂。送諸大清門外。是日太醫院判李德立入請脈。已報大安。兩宮且許以厚賞矣。夜半忽急詔促入診。踉蹌至乾清宮。則見帝顏色大變。痘瘡潰陷。其氣甚惡。德立大驚。知事已不可爲。而莫解其故。未久卽傳帝崩矣。嗣後始有洩其事者。孝哲毅皇后爲侍郎崇綺之女。明慧得帝心。而不見悅於姑。慈禧太后待之苛虐。初四日不知何事。復受譴。

實。后省帝疾於乾清宮。泣懇冤苦。帝宿宮之暖閣。屋深邃苦寒。中以幕隔之。慈禧偵后詣帝所。竊尾之。宮監將入啓。搖手令勿聲。去履轆行。伏幕外聽之。適聞后語。帝慰之曰。卿暫忍耐。終有出頭日也。慈禧大怒。揭幕入。牽后髮以出。且行且痛。扶之。傳內廷備大杖。帝驚恐且悲。墜於地。昏暈移時始甦。痘變。慈禧聞帝疾劇。始釋后。而誣以房幃不謹。致聖躬驟危云。德宗嗣祚。上徽號曰嘉順皇后。后悲鬱不欲生。遂於次年二月二十日。吞金以殉。崇侍郎亦因此忤旨。閒廢者二十餘年。

光緒辛巳三月十一日。孝貞太后崩。時慈禧病甚劇。慈安固健康無恙。凶信出。百官皆以爲西聖也。既而知爲東后。（時兩太后分居東西。卽以東太后西太后別之。宮中則呼曰東佛爺西佛爺。）乃大驚詫。相傳兩太后一日聽

政之暇。偶話咸豐末舊事。慈安忽語慈禧曰。我有一事久思爲妹言之。今請妹觀一物。在篋中取卷紙出。乃顯廟手敕也。略謂葉赫氏祖制不得備椒房。今旣生皇子。異日母以子貴。自不能不尊爲太后。惟朕實不能深信其人。此後如能安分守法則已。否則汝可出此詔。命廷臣傳遺命除之。慈安持示慈禧。且笑曰。吾姊妹相處久。無間言。何必留此詔乎。立取火焚之。慈禧面發赤。雖申謝。意怏怏不自得。旋辭去。十一日。慈安閒立庭中。倚缸玩金魚。西宮太監捧盒至。跪陳曰。外舍頃進覓食。（滿洲語。牛奶餅之類。）西佛爺食之甚美。不肯獨用。特分呈東佛爺。慈安甚喜。啓盒拈一餅對使者嘗之。以示感意。旋即傳太醫。謂東聖驟疾厥。醫未入宮。而鳳馭上昇矣。慈安沈默寡言。守家法。知大體。同治初年。戲定海內大計。慈安主持於上。恭忠親王文相國翊

贊於下。以成中興之功。慈禧素厭憚之。辛巳後。土木游宴之風始盛。或傳咸豐時。大學士肅順。曾密疏請文宗行鈎弋故事。故孝欽聽政。首除肅順。而撫拾跋扈罪狀。以成其獄。

德宗既理萬幾。有意右文之治。元和陸相國時。值南齋。上語陸曰。天祿琳琅初集之書。向儲圓明園。庚申燬於兵火。二集各書。聞在宮中。汝可詣宮中藏書處試檢之。陸相往檢。書雖多。俱與二集目錄不合。覆命上。沈吟良久曰。昭德殿尚有書數屋。恐是矣。昭德殿宮中最後殿也。常熟翁師傅在側。請於上。願與陸潤庠同往。殿扁鐫久。凝塵數寸。無從措手足。二公共出銀十兩。給守殿太監爲掃除費。次日復往。則宋元明鐫本頗多。且有精鈔本。然以二集目錄證之。亦非也。有舊閣知其事者。謂聞諸前輩。此蓋嘉慶初欲編天祿琳琅。

三集而未行者。翁陸乃擇最精數種呈上。置玉案備乙覽焉。有乾隆朝翰苑分書袖珍昭明文選一部。皆詞臣工書者。第一冊首葉有純皇御容。聞德宗以此書置案頭。時展覽。頤和駐蹕亦攜以自隨。

癸巳甲午間。上習聞翁師傅之說。頗究碑版目錄之學。翁亦時以新出版本進上。猶憶甲午五月初。毓鼎因考試翰詹。由編修擢贊善。召見。上首問翰林院藏書。及永樂大典所存冊數。又問近有新出金石否。諭毓鼎在家宜多看書。不可專習詩賦。此足以覘聖學矣。明修永樂大典凡二部。一置乾清宮。一賜翰林院。明亡後。宮中一部不知存否。其儲院者一萬二千餘冊。國初開四庫。館臣就大典所錄。搜輯佚書甚夥。其後漸有亡失。毓鼎初入詞館。猶見有八千餘冊。光緒庚子。兵攻使館。翰林院後牆正界英館。亦燬於火。大典散

入英館。焚毀遺失者過半。院中所存。僅八百餘冊。最後由院移送學部。則僅數十冊。金題玉笈。散在好古者之家。燬燬鉅編。無復能窺全豹。此亦書林一大掌故也。壬寅年聞廠肆有大典十餘冊出售。每冊價三十兩二十兩不等。毓鼎急往求之。則已爲捷足者所得。至今思之猶耿耿。

上幼畏雷聲。雖在書房。必披身翁師傅懷中。大婚後迄無皇嗣。或謂有隱疾。宮掖事秘。莫知其詳也。體氣健實。三十四年無疾病。未嘗一日輟朝。郊廟大祀必親臨。大風雪。無幾臆息容。步穩而速。扈從諸臣常疾趨追隨。性寬厚。侍臣或偶失儀。不究也。

故事。廷試貢士。閱卷大臣擬前十本進呈。候欽定。然後拆彌封姓名宣布。往往如所擬名次。不更動也。乙未殿試。上念國步多艱。思得氣節之士而用之。

四川駱成驤名在第十上見其卷中有主憂臣辱主辱臣死二語大賞之拔置第一。

上既親政。以頤和園爲頤養之所。間日往請安。每日章疏。上閱後皆封送園中。丁酉年。毓鼎附片劾太監牛姓。在外招權納賄。請嚴懲以符祖制。牛姓者。頤和園親近小奄也。上謂翁師傅曰。此疏若爲太后見。言官禍且不測。朕當保全之。乃撤去附片。僅以正摺呈園。翁師傅後語毓鼎。感激聖慈。至於流涕。

是時權操於上。亦頗有通內營進者。玉岷者。木廠商人也。以入資助園工。得道員。忽授四川鹽茶道。召見日。上見其舉動粗鄙。心惡之。因詢其曾否讀書。玉對曾讀百家姓及大學。上授以筆。命書履歷。良久僅能成玉岷二字。上怒。

斥出。卽日罷之。一日。蘇松太道缺員。樞臣列單請簡。上海道兼筦海關。膏腴甲天下。上命授魯伯陽。且申之曰。是李鴻章所保。樞臣聞命。相顧錯愕。徧稽舊籍。始得其人。嘗以微勞列保案。李所奏也。先是魯以道員需次金陵。制府及司道皆輕之。魯頗不平。乃輦鉅金輸倖門。期必得斯缺。既有成說。揚揚意得甚。預誇示同僚。咸嗤其妄。命下果然。制府劉坤一大驚詫。奏改常鎮通海道。旋劾降爲通判。方請謁之言得入也。未嘗不以人才可用欺上。迨覺其不稱。立斥之。而不稍一護前。此如日月之食。何足爲聖明之累耶。

甲午遼東喪師。上憤外難日迫。國勢阽危。銳欲革新庶政。致富強。環顧樞輔大臣。皆庸懦玩愒。牢不可破。無足與謀天下大計者。南海康有爲。甲午公車一再上書。上固心識之。戊戌四月。常熟罷去。朝局漸變。張閣學百熙。徐學士



政。靖先後疏薦有爲。召見。以日本改制維新之說進。上大悅。是時二品以上大員黜陟。皆須詣頤和園取進止。上不得自專。故康僅以工部主事。在總理事務衙門行走。其門人梁啓超。僅領譯書局。而樞輔閣部大臣。固無力去之也。其時廣開言路。庶民皆得實封言事。禮部主事王照。疏陳四事。請上游歷東西洋各國。尙書懷塔布。許應駟等。抑不爲代奏。堂司交關。事聞於朝。上正思藉事黜一二守舊大臣。以厲威而風衆。聞之震怒。特詔革禮部六堂職。破格拔少詹事王錫蕃。翰林院侍讀學士。徐致靖。署左右侍郎。舉朝知上意所在。望風而靡。懷之妻素侍頤和宴遊。哭訴於太后。謂且盡除滿人。太后固不善上所爲矣。會上特擢譚嗣同。楊銳。劉光第。林旭。參贊軍機事。專理新政。時謂之四貴。樞輔咸側目。譚楊憤上之受制。頗有不平語。上手詔答之。大